

石室秘錄卷之五 目錄

卷五 書集

久治 虛寒久治

暫治 傷風 傷暑 傷食 傷濕

遠治 中風 癱症 食炭 臍脹

近治 痢倒 心惡 心痛 暴亡 腹痛 欲死

輕治 小柴胡湯 中痰 心疼

重治 大渴 大瀉 大汗 大吐 陰陽脫

瘟疫治

瘴癘治

得治

失治

意治

神治

傷寒相舌秘法

論五行

二論臟腑

三論陰陽

四論晝夜

五論四時

六論氣色

七論脉訣

八論引弱

九論寒熱

十論生死

十一論真假

十二論老少

十三論氣血

十四論命門

十五論任督

十六論子嗣

十七論瘟疫

岐天師兒科治法

諸真人傳授兒科

痘瘡計日

痘瘡壞症

張真人傳痘疹門

錢真人傳痘瘡神方

岐天師又傳治回毒歲久不愈方

岐真人傳兒科秘法

長沙張真人傳治小兒感冒風寒方

兒科

驚症吐瀉
初生癰下不乾
肚臍突出
生下不肯食乳

石室秘錄卷之五 書集

山陰陳士鏗遠公甫敬習

義烏

金以謀孝芑甫訂定
李祖詠子永甫叅攷

久治法

論虛寒久治

天師曰久治者日久歲長而治之也此乃寒虛之人不可日斷藥
餌如參苓芪朮之類日日煎飲始好否則卽昏眩証冲是也方用
人參一錢白朮二錢黃芪二錢茯苓二錢甘草五分白芥子一錢
神麴五分肉桂一分麥冬二錢大五味三分蘇子五分水煎服心
不寧加生棗仁一錢不寐加熟棗仁一錢遠志一錢飽悶加白芍
三錢口渴加當歸二錢熟地三錢夢遺加芡實三錢山藥三錢飲

食不開加麥芽一錢山查三四粒有痰加半夏五分咳嗽加桔梗一錢有浮游之火加元參二錢頭疼加蔓荊子七分或川芎一錢有外感加柴胡一錢鼻塞加蘇葉一錢目痛加柴胡一錢心微痛加梔子五分脇痛加芍藥一錢腹痛加肉桂三分此久治之法
張公曰妙極

暫治法

論傷風傷食傷暑傷濕

天師曰暫治者乃強壯之人素不服藥一朝得病用藥暫治之也如人外感傷寒用傷寒專門治之茲不再贅其餘傷風傷食傷暑傷濕根或轉治而愈傷風則用柴胡三錢荊芥一錢五分白芍

三錢蒼朮五分茯苓二錢炒梔子二錢枳殼一錢丹皮一錢白芥子一錢水煎服此方發散之藥雖重然因其素不患病則腠理必密故以重劑散之然方中有健脾之藥正不必憂散藥之太重也如傷食作痛胸腹飽悶填脹欲嘔而不得方用白朮三錢枳殼二錢山查三十粒麥芽三錢半夏一錢甘草一錢砂仁三粒厚朴一錢水煎服此方純是攻藥而不至消氣妙用白朮爲君故不消氣而轉能消食然亦因其形壯體健而用之倘體弱久病之人不敢以此方投之○傷暑者乃暑氣因其勞而感之必非在高堂內寢之中而得之也方用香薷二錢青蒿五錢石膏一錢乾葛一錢車前子一錢茯苓三錢白朮一錢厚朴一錢陳皮一錢甘草一錢

水煎服此方純是解暑之藥亦因其氣壯而用之氣虛人最忌○
傷濕之症兩足浮腫手按之必如泥乃濕侵於脾也急用茯苓五
錢猪苓三錢白朮三錢澤瀉三錢肉桂二分治之亦因其體壯氣
盛而用之倘氣虛還須斟酌此皆暫治之法

遠治法

論中風臑脹痿症食炭

天師曰遠者病得之年遠而徐以治之也如中風已經歲月臑脹
已經年許痿症而臥床者三載如癰癩食炭數年是也此等之症
臥床既久起之最難卒效然而治之得法亦可起之於旦夕如中
風手足不仁不能起立行步者但得胃氣之健而手足不致反張

治臌至
神湯

便足蹙者皆可起之方用人參五兩白朮半觔薏仁三兩肉桂三錢附子一錢茯苓一兩半夏一兩南星三錢水二十碗煎四碗分作二次服早晨服二碗卽臥上以綿被蓋之令極熱汗出如雨任其口呼大熱不可輕去其被任其自乾再用後二碗晚服亦蓋之如前不可輕去其被一夜必將濕氣冷汗盡行外出三日可步履矣後用八味地黃丸四料爲丸服完永不再發○臌脹經年而死者必非水臌水臌之症不能越於兩年未有皮毛不流水而死者今二三年不死非水臌乃氣臌血臌食臌虫臌也但得小便利而胃口開者俱可治方用茯苓五兩人參一兩雷丸三錢甘草二錢羅蔔子一兩白朮五錢大黃一兩附子一錢水十碗煎湯二碗

早服一碗必然腹內雷鳴少頃必下惡物滿扁急拿出傾去再換
桶卽以第二碗繼之又大瀉天下至黃昏而止淡淡米飲湯飲之不
再瀉然人弱極矣方用人參一錢茯苓五錢薏仁一兩山藥四錢
陳皮五分白芥子一錢水煎服一劑卽愈忌食鹽者一月犯則無
生机矣先須斷明然後用藥治之○痿症久不效者陽明火燒盜
腎水也然能不死長存者何益腎水雖涸而肺金終得胃氣以生
之肺金有氣必下生腎水腎雖乾枯終有露氣夜潤腎經常有生
機故存而不死也方用麥冬半觔熟地一觔元參七兩五味子一
兩水二十碗煎六碗早晨服三碗下午服二碗半夜服一碗一連
二日必能坐起後改用熟地八兩元參三兩麥冬四兩北五味三

錢山茱萸四錢牛膝一兩水十碗煎一碗早晨一碗晚服一碗十日即能行步一月即平復如舊矣益大滋其肺腎之水則陽明之火不消而自消矣 癩癰之症亦累歲經年而未愈乃痰入於心竅之間而不能出喜食炭者蓋心火爲痰所迷不得發洩炭乃火之餘與心火氣味相投病人食之竟甘如飴也方用人參一兩南星三錢鬼箭三錢半夏一錢附子一錢肉桂一錢柴胡三錢白芍三錢菖蒲二錢丹砂末二錢先將前藥煎湯二碗分作二服將丹砂一半調入藥中與病人服之彼不肯服即以炭飴之服了與汝炭吃彼必欣然服之索炭也不妨仍與之炭第二服亦如前法則彼不若前之欣然當令人急灌之不聽不妨打之以動其怒氣怒

則肝木火起以生心反能去痰矣皆絕妙奇法世人未見未聞者
吾救世心切不覺盡傳無隱此皆遠治之法最宜熟記

張公曰中風之有胃氣則脾健可知但脾胃俱有根原何難用
藥 天師所用之藥又是健脾之品使脾一旺則氣益旺可知
氣旺則濕自解留方中又全是去濕之藥濕去則痰消又有消
痰之品痰消則寒自失而又有補火之劑所以奏功也然非大
劑煎飲則一杯土安能止汪洋之水而重築其堤岸哉○噉脹
之病年久不死原是可救所以用下藥以成功非土鬱之中固
有水積若果水症早早死矣安能三年之未死也然而雖非水
症而水必有壅阻之病方守仍用茯苓爲君以雷丸大黃爲佐

不治水而仍治水所以奏功如神也○痿症久不死雖是肺經之潤亦由腎經之有根也○倘腎水無根總肺金有夜氣之生從何處生起吾見立槁而已矣惟其有根所以不死故用大劑補腎之品因之而病愈亦因其有根可救而救之也 癰癩之病雖時嘗食物腸中有水穀之氣可以養生不死亦其心之不死也倘心早死卽無病之人食穀亦亡況有癰癩之症吾見其早亡不能待於今日惟其中心不死不過胃痰有碍一時癰癩其脾胃猶有生氣也故用人參以治心加附子薑蒲肉桂溫中以祛邪加柴胡舒肝平木加南星鬼箭半夏逐痰蕩邪加丹砂定魂鎮魄自然邪氣少而正氣多也皆 天師未言而予發其奧

妙如此方則 天師至神至奇子不能贊一辭也

補脾分
水豆

華君曰予無此之多各有小异不必盡書止言异處可也噉脹
方不同傳余之方乃用甘遂三錢牽牛三錢水三碗煎半碗服
之則瀉水一桶瀉極用人參一錢茯苓三錢慧仁一兩山藥五
錢芡實一兩陳皮五分白芥子一錢水煎服一劑即愈亦忌鹽
一月○痿症方亦不同方用元參一兩熟地三兩麥冬四兩山
茱萸一兩沙參三兩五味子五錢水煎服十日即可起床予曾
親試之神驗不知 天師何故不傳此方而更傳新方也想天
道之溥而人身亦殊用藥更重也○癰癩余未傳方然別有治
癰之方亦奇妙方用柴胡五錢白芍三兩人參一兩半夏三錢

白芥子五錢南星三錢用牛胆製過者附子一錢茯神三錢
蒲三錢水十碗煎二碗先與一碗服之必倦怠急再灌一碗必
熟睡有睡至一二日者切不可驚醒如死人一般任其自醒醒
來病如失卽索飲食說從前之病不可卽與飲食餓半日與之
米粥湯內加人參五分陳皮五分煎粥與之再用人參三錢白
朮一兩甘草一錢茯苓五錢陳皮五分白芥子五錢水煎與之
彼必欣然自服服後再睡亦聽其自醒則永不再發亦奇妙法
也

天師曰此方未嘗不佳妙

近治法

論猝倒 心傷暴亡腹痛欲死
中惡中痰心痰

天師曰近治者一時猝來之病而近治之也如一時眼花猝倒不
省人事一時心痛暴亡一時腹痛手足青而欲死者是也此等之
症如風雨驟至如駿馬奔馳不可一時止遏不可少緩須臾以治
之也眼花猝倒非中於惡則中於痰然中惡中痰實可同治蓋正
氣之虛而後可以中惡中氣之餒而後可以痰迷然則二症皆氣
虛之故故補其氣而中氣正氣自回或加以祛痰之品逐邪之藥
無有不奏功頃刻者方用人參三錢白朮五錢附子一錢半夏一
錢南星一錢陳皮一錢白微一錢水煎服下喉卽愈此方妙在補
氣之藥多於逐痰祛邪中氣健於中邪氣消於外又何懼痰之不

何惡湯